

اسلام گزشتہ

مدیری : حلیم ثابت

صالی ۲

۳۰ ربیع الاول ۱۳۴۲
۱۳ شباط ۱۳۴۹

پیل ۱

قرآن کریم

سورۃ جبرائیل ترجمہ سی خ . ن

امہد ملک بھالی

اسلام و ترقی اسبق شیخ الاسلام موسی کاظم

کلام

توحید رضاء الدین بن فخر الدین

فقہ

فقہ و اجتماعیات کوک آلب

دین ادبیاتی

تورکار دہ دینی ادبیات کوپرلی زادہ فؤاد

تاسخ

آق شمس الدین بروسی محمد طاهر

اجتماعیات

اسلام عالمندہ کوریلن انحطاطک سبیری احمد آغایف

مسلمانہ قادینی

مراجعت ایڈیورم ف . ن

اسلام ہوائی

بخارا : بخارادہ تجدید امارہ لری — لازان : شہاب الدین مرہانی ایچون —
اروا : بحرکلی مسلمان قادینی — باکو : مسلمان باقہ لری

استانبولہ مائیلدینی یر : « نورک بوردی کنتخاہسی » نسخہ سی ۱۰ بارہ در

استانبول — طنین مطبعہ سی

لطف و عاطفتی مشور و منظوم برصورتده ترنم ایتمشلدردر . کلیساتک بوتون
آینسلری ، الهیلری ، مناجاتلری ، خطبهلری ، اساس اعتباریه بر ماهیت
سایشکارانه به مالکدی؛ ایسته یونقطه نظر دن، یک محق اولهرق ادعا اولونابیلیرکه
مصرک ، یونانساتک ، رومانک اسکی «راهب-شاعر» لریله خریستیان راهیلری
آراسنده هیچ بر ماهیت فرقی موجود دکلدی ؛ بی حدود صازی چوللر
اوزرنده ایری مائی ییلدیزلریله اوزایان مصر سهارینک تا متساهیلکنه قارشلی
حکمدارک قدرت و عظمتی وجد آلود ترنم ایدن بر مصر راهینک نغمه لرلیله ،
عظمت الوهیتی تفکره مستغرق بر خریستیان راهینک اصوات تقدیس و پرستشی،
بشریتمک سهای مناجاتنده عین آشنکله تیترو مشدر !

کوبه یلی زاده محمد قزار

تذکره

آق شمس الدین

شیخ محمد بن حمزه

کبار اولیاء اللهدن علم و عرفان صاحبی بر ذات عالی اولوب عرفای امتدن
(شرف الدین حمزه شامی) تک مخدومیدر . (شقایق نعمانیه) ترجمه سنده مسقط
رأسنک (شام) اولدینی محروسده زما نمزک مدقق مورخلرندن آماسیه لی
(حسام الدین حسین) افدینک (آماسیه) وحوالینسه متعلق (آماسیه تاریخی)
اسنده کی اثر جیمینده والده سنک (عثمانجق) لی اولدینی و مسقط رأسنک
(عثمانجق) بولوندینی مندرجدر.

تحصیلنی (عثمانجق) و (آماسیه) ده بعدالاکال کوکلنه طلوع ایدن آرزوی
تصوف داعیه سنه تبعاً او تاریخده فیض ارشاد ایله شهر ایدن پیران عظامدن
(حاجی بایرام ولی) ایله (زین الدین حافی) حضراتندن ایکنجیسنی ترجیح
ایده رک برای انتساب (حلب) ه قادار کیمشده کیفیت ارشادک برنجیسی
واسطه سیه ظهوره کله جکنه دائر کوردیکی بر معنایه اتباعاً (آنقره) به عودتله
ولی مشارالیه حضرتلرینک مریدانی میانته دخالت و خداداد استعدادینه انضمام

ایدن مجاهداتی ثمره سی اولق اوزره من جهة الطريقة اخذ خلافت ایله دی بعده
(آناطولی) تک بعض بلادنده واز جمله اختیار توطن ایله دیکی (کوینوگ-طوربالی)
قصبه سنده تدریس وارشاد ایله مشغول اولدی .

بو آراق (استانبول) فتحی تدارکیله مشغول بولونان (فاتح سلطان محمدخان)
طرفندن استیلاب روحایتلری و محاصرینک قوه مغویه لرینک تقویه سی امیه سیله
پیردانی (آق بیق عبدالله) سلطان ایله برابر اولونان دعوت هایونه اجابه موکب هایونه
التحاق ایده رک کرک اتنای فتحده کی عسا کری تشجیع کرک بعد الفتح مهماندار جناب
نبوی حضرت خالد بن زید الانصارینک قبر شریف لرینی کشف و تعیین کی خصوصیات
مغویه ده کندیلرندن پک چوق استفاده اولوندی . و بو کی خدمات مغویه تک
مکافات و نشانه مغویه سی اولق اوزره هر ایکی عزیزک ناملرینه استانبولده برر
جامع شریف بنا قیلندی . بر مدت صوکره آرزولری وجهه بو عزیزلردن (آق
شمس الدین) (کوینوگ) و (آق بیق) بروسه یه مطیاً اعزام ایدلدی صاحب
ترجه (آق شمس الدین) حضرتلری (کوینوگ) . موصلتلرند بر قاج سنه
صوکره یعنی (کاشف اسرار) و (مرشد طریق) ترکیلرینک دلالتی اولان
(۱۸۶۳) تاریخنده داربقایه رحلت ایده رک الیوم زیارتگاه اناام بولونان تربته
مبارکه لرینه دفن ایدلدی پدر عالیلرینک مدفن آماسیه ده در .

مرحوم مشارالیه ک حق عالیلرند اقشاد ایدیلن منظومه معنیدار :

قره کون دوستی ایمش فاتحک آق شمس الدین

که یوزوندن لمعان ابتدی انک فتح مین

نصرتی چشم حقیقتله کوروب ویردی خبر

بویه هرکاری اوزاقدن کورور ارباب یقین

حضرتک ایات عارفانه لرندن :

کوزدم چو حقک وجهنی عین الیقین یا هو دیرم

کر صوفی لادن دم اورور بن مردم الا هو دیرم

حضرتک آثار عارفانه لری اسامیه سی :

(۱) رساله التوریه : سلوک طریقت و غوامض علم حقیقه دائر عربی انبار

بر تألیف دقیق اولوب نسخه لری (استانبول) کتبخانه لرینک بعضارنده واردور.
(۲) (حل مشکلات) : اکبر متصوفه دن بعض ذوات عالیه نك غوامض
تصوفه عائد اولان کلمات و جمل محققانه لرینک حلتی مبین عربی العبارة بر اثر
معتبردر. بعضارینک بواثره (شرح اقوال حاجی بایرام ولی) دیه اسم ویرملری
نقصانی تبعدن منبعدر.

(۳) (ماده الحیات) : منتسب بولونداقلری علم طبعه کی مجربات متوعه لرندن.
باحث تورکجه بر رساله طیه در.

برده (مقامات اولیا) اسنده بر اثر عارفانه لری اولدینی (شقایق نعمانیه)
ترجمه سنده محرر ایسه ده بواثر خلقای کراملرندن اولوب کندیلرندن صوکره.
سجاده ارشادلرینه قائم اولان شیخ (حمزه بابا) نکدر.

مناقب علیه لرینه دائر یازیلان رساثلدن (امیر حسینی) ننگی مطبوع، ابوبی.
مؤذن (عبدالرزاق) افندی نك کی غیر مطبوعدر. مخادیم علیه لرندن (سعدالله)
(فضل الله) (امرالله) (حمدالله) افندی لردن اک کوچوکلری اولان (حمدالله)
افندی عرفان و اشعاریه ادبیات عثمانیه عالنده تمیز ایدن ذواتدندر.

خلقای کراملرینک اک مشهورلری سابق الذکر (حمزه بابا) ایله ناظم (کلزار
معنوی) قیصریه ده مدفون (ابراهیم تنوری) ایله ناظم (وحدتنامه) (آفیون
قره حصار) نده مدفون (عبدالرحیم) افندی لری حضراتیدر.

بروسه لی

چنکل کوی

محمد طاهر

اجتماعیات

اسلام عالنده کوریلن انحطاطک سبیلری

— ۱ —

عالم اسلامه عمومی برنظر عطف ایداییکی زمان انسان کنیدیسی غایت
غریب و بلکه ده امثالی هیچ بر یرده هیچ بر زمان کوروئمین برلوحه قارشیسنده